



UNIVERSITÄTS-  
BIBLIOTHEK  
PADERBORN

# Waerchtighe Historie Van de Martelaers Van Gorcom

**Estius, Wilhelm**

**Antwerpen, 1604**

Capittel XXIII. Hoe een Priester vande Minder-broeders afgheweken is.

---

[urn:nbn:de:hbz:466:1-64552](https://nbn-resolving.org/urn:nbn:de:hbz:466:1-64552)

## CAPITTEL XXIII.

Hoe een Priester vande Minder-brœeders af-  
gheweken is.

**M**er hier staet ons noodelijck te vertellen een  
andere af-wijckinghe vele dzuckelijcker als  
de veur-gaende. Een vande Minder-brœeders Wil-  
lem ghenoeemt / een Wael van gheboorte / als hy nu  
gehangen soude worden / aen-sprekende in't Walsch  
de soldaten die oock Waelen waren / heeft sulcks ghe-  
seght / dat hy te kennen gaf sijn af-wijckinghe van  
het Catholyck ghelooue naer heur-lieder begheerte /  
ende vercreghen heeft verlossinghe vande teghen-  
wordighe straffinghe des doodts . Want soo haest  
als hy die onsalighe woorden heeft ghesproken / heb-  
ben de soldaten de roozde af-ghesmeden daer hy aen  
eenen anderen / arm aen arm / mede ghebonden  
was / ende hem ter-stondt eenen mantel ende hoedt  
aen ghegheuen / op dat hy niet en soude bekent wor-  
den / ende al-soo met een helle-baerde op sijn schou-  
deren wegh-gheleydt . Maer dese alendighe men-  
sche / naer dat hy hem van sulcken heylighen ghe-  
selschap sijner mede-brœederen hadde ghescheyden /  
als oft hy ter-stondt vande Goddelijcke behoedenis-  
se ware berooft gheweest / is in eenen diepen af-  
grondt van aller-hande quaden ghevallen . Want  
rozt daer naer hebbende een seer quade manghe-  
linghe van gheselschap ghedaen / heeft hy onder de  
Geusche soldaten by de vanden om soldt beginnen  
te dienen . Ende als hy boozdt-aen vele quade stuc-  
ken hadde bedreuen / ghelijck sulck geselschap plagh  
te doen / naer dat hy in dien staet twee maenden  
ende een half hadde ouer-braght / is hy op den xxix.  
Septembrys op dieuerge bevonden zijnde / naer sij-  
ne

ne

ne verdiensten metter galghen ghestrakt : al-soo heeft Godt met sijne recht-veerdighe wrake ghestrakt sijn goddeloose af-wyckinge vande heylighe religie . Waer van wy t' sijner plaetsen breeder sul-  
 len verhalen . Daer waren-der wel onder de ghe-  
 vanghenen een oft twee / de welke midts dat sy  
 iongh van iaeren waren / deur den natuerlijcken  
 schroom des doodts seer gheperst baden heymelij-  
 ken de by-staende soldaten / dat sy de coorzen sou-  
 den willen af-snijden en hen soo stillekens van daer  
 leyden . Maer dit al-temael sonder eenigh achter-  
 deel oft quetsinghe vande Catholijcke belijdinghe .  
 Waer-om dat sy't oock niet vercreghen en hebben .  
 Ende niemant en verwondere hem dat wy dese  
 oock onder de Martelaers stellen / de welke nu de  
 pijn des doodts soo naer by zijnde / noch begheerte  
 hadden te leuen / ende sochten los ghelaten te wor-  
 den . Want ist saecke dat de prince der Apostelen nu  
 oudt ende leuens moede wesende gheleydt wierdt  
 daer hy niet en wilde / ghelijck Christus hem hadde  
 veur-segh't : Als ghy sult oudt gheworden zijn / soo  
 sult-dy v handen upt-steken / ende een ander sal v  
 schozten ende v leyden daer ghy niet en wilt / de  
 welke nochtans deur sijn doot (die met dese woor-  
 den te kennen wierdt ghegheuen ) Gode den Heere  
 heeft gheglozificeert : wat willen wy ons verwon-  
 deren dat dese / op eenen leegheren graedt van sterck-  
 hepdt ende verdiensten ghestelt / ende noch soo iongh  
 van iaeren / de doot ghebzeest / het leuen bemint /  
 ende hunne natuerelijcke begheerte sonder achter-  
 deel vande Catholijcke religie met sineckede woor-  
 den te kennen ghegheuen hebben / die nochtans son-  
 der twijfel deur de doot die hen rozts daer naer  
 aen-ghedaen is / ende die sy veur de waerhepdt des  
 Catholijcks gheloofs patientelijck verdraghen heb-  
 ben /

101. 21.

den/ Godt geglozificeert ende de vlercke vande veur-  
gaende groote vzeese ( soo verre daer eenighe was )  
uvt-ghewilcht hebben . Hoe wel dat wy beken-  
nen moeten dat de glorie Godts meer ghetoot  
wordt inde ghene die dese begheerte des tydelijcks  
leuens in-wendigh vzoegende niet en laten blijcken/  
maer de selue deur eene meerdere begheerte tot de  
hemelsche glorie ende eeuwich leuen in hen verdruc-  
ken . Den seluen grouwel des doodts die in onse  
natuere soo vast in-ghegriffiet is moet oock toe-  
gheschreuen worden / dat een oft twee van hen in't  
verdraghen vande pijn des doodts sulcken vlijtig-  
hepdt des gheests niet ghetoot en hebben als d'an-  
dere . Want t' ghene dat Christus onse verlosser en-  
de ouer-hoofdt inden aen-vangh sijner passien in sy-  
seluen heeft laten gheschieden / dat hy met angst  
ende verdriet bevanghen wierdt / dat hy bedroeft  
ende benauwt was / en is niet te verwonderen dat  
het sommighe sijne dienaers ende ledekens inden  
uftersten strijdt der martyrien ouer-comt : ghe-  
merckt dat onse Heere Christus daer-om alleen  
sulcke beweginghen ghewillighlijck heeft aen-ghe-  
nomen / op dat hy sijn dienaers / als sy uvt mensche-  
lijcke cranckhepdt sulcks yet deur den noodt souden  
comen te lijden / soude beschermen van wan-hopen /  
snde troosten deur sijn exempel.

Mar. 14  
Mat. 26.

CAPITTEL XXIIII.

Hoe P. Godefroy van Meruel, H. Lenard, en  
H. Gouaerd van Duynen ghehanghen zijn.

**L**iet ons nu comen totte andere P. Godefroy  
van Meruel / van officie wegen roster ende be-  
waerder vande heplighe vaten / heeft den aller-hep-  
lighsten schat des Catholijcks gheloofs totten uft-  
tersten